

傷寒論直解卷五

錢塘張錫駒令韶註解

徐旭升上扶

王良能聖欽

叅訂

辨太陰病脉證篇

○太陰之爲病腹滿而吐食不下自利益甚時腹自痛若下之必胸下結鞭

此論太陰氣之爲病也太陰主地而主腹腹滿者地氣不升也地氣不升則天氣不降故上而吐食不下下而利益甚也太陰濕土主氣爲陰中之至



南京中醫藥大學圖書館藏

陰陰寒在下而濕氣不化故時腹自痛時者如時
習之時時時而痛也胸下者脾之部也若下之則
下者益下脾土愈傷不能轉運故必胸下結轉矣
○太陰中風四肢煩疼陽微陰濇而長者爲欲愈
太陰中風者風邪直中於太陰也四肢煩疼風濕
末疾也微濇陰脉也長陽脉也太陰內主腹而外
主四肢由內而外轉陰爲陽故爲欲愈之候也

太陰病欲解時從亥至丑上

太陰爲陰中之至陰陰極於亥陽生于子從亥至

丑上陰盡陽生也陰得生陽之氣故解也

○太陰病脉浮者可發汗宜桂枝湯

太陰內主藏氣而外主肌腠脉浮者病在肌腠也
可與桂枝湯發汗以解肌

自利不渴者屬太陰以其藏有寒故也當溫之宜服

四逆輩

承上文而言太陰病在外者宜桂枝以解肌若病
在內自利不渴者無中見之燥化屬太陰脾藏有
寒故也當溫其寒宜服四逆輩溫熱之藥此一二節



南京中醫藥大學圖書館藏

申明太陰有在外在內之不同也

傷寒脉浮而緩手足自溫者繫在太陰太陰當發身黃若小便自利者不能發黃至七八日雖暴煩下利日十餘行必自止以脾家實腐穢當去故也

經云太陰之上濕氣主之中見陽明是以不得中

見之化則爲藏寒之病中見太過濕熱相併又爲發黃之證此太陰之有寒有熱也傷寒脉浮而緩手足自溫者繫在太陰而中見陽明之化者也陽明之熱合太陰之濕當發身黃若小便自利者濕



熱得以下泄不能發黃至七八日驟得陽熱之化故暴煩陰濕在內故下利然雖下利日十餘行必當自止所以然者以太陰中見熱化脾家實倉廩之腐穢當去故也

○本太陽病醫反下之因爾腹滿時痛者屬太陰也桂枝加芍藥湯主之大實痛者桂枝加大黃湯主之

桂枝加芍藥湯方

桂枝 三兩

芍藥 六兩

甘草 二兩

生薑 三兩

大棗 十二枚



右五味以水七升煮取三升去滓分溫三服

桂枝加大黃湯方

前方加大黃 二兩

此言太陽轉屬太陰也本太陽病醫反下之太陽之氣陷于太陰之地中因爾腹滿時痛者乃太陽轉屬太陰也宜桂枝湯從肌腠以啟陷下之太陽加芍藥以通在裏之脾絡大實痛者脾家實也又宜加大黃以去脾家之腐穢

太陰爲病脉弱其人續自便利設當行大黃芍藥者



宜減之以其人胃氣弱易動故也

上節脾家實宜大黃芍藥以行腐穢此節胃氣弱
又宜減少以存胃氣太陰爲病脉弱者中土虛也
虛則其人續自便利續者大便秘結而利出也利
則不當行設或脾家實腐穢當去當行大黃芍藥
者亦宜減其分兩以胃氣弱脾雖實易動故也夫
曰便利其非大實痛可知也曰設當行其不當行
可知也總傷寒無分六經一切皆以胃氣爲本

辨少陰病脉證篇



中國醫藥大學圖書館藏

○少陰之爲病脉微細但欲寐也

經云少陰之上君火主之又云陰中之陰腎也是少陰本熱而標寒上火而下水神之變精之處也精與神合而脉生焉病則精氣衰神氣少故脉微細也少陰主樞轉出入于外內病則入而不出內而不外氣行於陰故但欲寐也此先論少陰標本水火陰陽之氣其見脉證有如是也。○魏子干曰太陽少陰爲先天水火之主生脉之根故二經首篇獨論脉而他經不言脉也



少陰病欲吐不吐心煩但欲寐五六日自利而渴者
屬少陰也虛故引水自救若小便色白者少陰病形
悉具小便白者以下焦虛有寒不能制水故合色白
也

此論少陰上火下水之病也少陰水寒在下則欲
吐君火在上則不吐水不上濟于火則心煩水火
不濟陰陽不交樞轉不出氣行於陰故但欲寐也
五六日自利者病水寒之氣于下也渴者病君火
之氣於上也然雖水火並現陰陽互呈總屬少陰



陰寒之病也所以然者腎者水也利則腎水內虛故引外水以自救是以渴也若小便色白者白爲陰寒少陰陰寒之病形悉具矣又申言小便白者全無上焦君火之熱化止有下焦陰寒之虛氣陰寒盛于下君火衰于上不能制水故令色白也

病人脉陰陽俱緊反汗出者亡陽也此屬少陰法當咽痛而復吐利

此論少陰陰陽不交之病也夫緊爲陰寒脉陰陽俱緊者少陰本寒而復受外寒也陰不得有汗今

反汗出者陰盛于內而亡陽于外也此屬少陰陰陽不交之故是以法當咽痛而復吐利咽痛者格陽于外也吐利者獨陰于內也陰陽不交其病如此

○少陰病欬而下利譫語者被火氣劫故也小便必難以強責少陰汗也

此三節俱論少陰不可發汗平脉篇云腎氣微少精血奔氣促迫上入胸膈是欬者少陰精血少奔氣上逆也下利者少陰腎氣微津液下注也復以



火劫其汗則少陰精氣妄泄神氣浮越水不勝火則發譫語故曰譫語者被火氣劫故也然不特譫語小便必難以強責少陰腎藏之精而爲汗竭其津液之源故也○魏子干曰腎開竅于二陰大小便也故始則下利繼則小便難○蔣賓侯曰少陰下利極多何曾皆是被火且被火未必下利惟譫語乃是被火經云被火者必譫語故欬而下利譫語者當分看爲是

少陰病脉沉細數病爲在裏不可發汗



經云心部于表腎治于裏是少陰有裏亦有表也
脉細者少陰腎水之氣少也沉數者少陰君火之
氣不升也此病在少陰之裏不可發汗以傷其裏
氣

少陰病脉微不可發汗亡陽故也陽已虛尺脉弱濇
者復不可下之

夫少陰爲陰陽氣血之主而脉爲氣血之先故少
陰病脉微不可發汗以傷其陽以脉微爲亡陽故
也陽已虛尺脉弱濇者陰亦虛也復不可下之以



南京中医药大学图书馆藏

傷其陰此少陰陰陽兩虛既不可汗復不可下有如此也

○少陰病脉緊至七八日自下利脉暴微手足反溫脉緊反去者爲欲解也雖煩下利必自愈

此五節俱論少陰欲愈而可治之證此論少陰得陽熱之氣而解也少陰病脉緊者陰寒盛也至七八日乃陽明主氣之期忽自下利脉暴微者脉氣柔和非若緊之轉索無常搏擊之狀也夫手足爲諸陽之本今手足不厥而反溫脉緊反去者少陰



得陽明陽熱之氣而陰病欲解也陽氣暴回故煩
陰邪下去故利此戊癸合化生陽漸復故雖煩下
利必自愈

少陰病下利若利自止惡寒而踈卧手足溫者可治
此論少陰得中土之氣爲可治也少陰病下利水
勝土虛也若利自止土氣復也惡寒而踈卧陰寒
達于外也四肢稟氣於胃手足溫者中土之氣和
也有胃氣曰生故爲可治

少陰病惡寒而踈時自煩欲去衣被者可治



此論少陰得君火之氣爲可治也少陰病惡寒而
蹇陰盛于外也時自煩欲去衣被者君火在上也
陰寒之氣見火而消故爲可治

少陰中風脉陽微陰浮者爲欲愈

夫陽邪傷陽陰邪傷陰各從其類少陰本陽而標
陰風爲陽邪宜動少陰之本寸爲陽尺爲陰陽脉
微而陰脉浮者陰氣外應各不相類陽邪無所濟
其威矣故爲欲愈

少陰病欲解時從子至寅上



成無已云陽生于子子爲一陽丑爲二陽寅爲三陽少陰解于此陰得陽而解也

○少陰病吐利手足不逆冷反發熱者不死脉不至者灸少陰七壯

此二節論病少陰而得太陽標陽之熱化者也夫吐利少陰病也病少陰而得太陽之標陽故手足不逆冷反發熱也陰病得陽故爲不死若不得太陽之標熱少陰之氣反陷下而脉不至者當灸少陰七壯以啟陷下之陽少陰者太谿之動脉也

